




本朝文粹

16
176
8





本朝文粹卷之十三

○祭文 有供物

祭龜山神文

前中書主

維天延三年乙亥之歲八月十三日壬子吉
日良辰左大臣從二位源朝臣兼明謹以香
花之薦敬祭龜山之神伏惟云神云鬼無親
無疎慎謹是臧恭敬是享致誠以祈之豈不
欽饗哉兼明年齡衰老漸欲休閒爰尋先祖



本朝文獻卷十三
聖皇嵯峨之墟請地於栖霞觀占此靈山之麓初求於易筮吉也問於相者最也取於中心得也三者相須即披草萊結茅茨時々往來棲息漸尚矣今所恐思者實是愚暗之身不知神明之禁遏以有所觸犯矣人何無遺謝過謝罪神之所宥也神若有所怒者早宥其過神若可成喜者彌加擁護神不自貴以人敬則貴人不自安依神之助則安伏願神

靈華垂鑑察駭却邪鬼掃去毒虫人無疾病盜賊之憂室無風雨水火之害至于牛馬無有凶損是神之恩也人之幸也春秋敬祭將傳子孫伏請尊神必垂欣享再拜謹重敬言伏見此山之形以龜為體夫龜者玄武之靈司水之神也甲虫三百六十之屬在於北方靈龜為之長或背負蓬宮不知幾千里或身遊道葉不知幾萬年神靈之至誠無量者也

本朝文粹卷十三
二
他山莫不有永此山豈可乏水乎。夫水者稟
秋氣於庚之金盛正位於北方養春味於震
之木歸末流於東南群品爲之亭毒萬物爲
之生育故山頂猶有水山趾豈無水乎。而此
地無水進退惟谷伏望山神開視聽起羸負
引水脉而通洪流穿石竇而下飛泉然則上
以薦神明鬼物中以用飲食湯沐前則潔耳
目導心曾而長養幽閑之志後則除煩穢滌

汗濁而收得拂拭之便是神之祐也人之望
也昔貳師將軍拔佩力而刺山飛泉涌出戊
巳校尉正衣冠而拜井奔流激射感之至也
若不感應者是无神靈也先以水爲事驗將
知神之有無矣神誠有靈答此祈請再拜。

爲負外藤納言請修饒美福門額字告

弘法大師文

大江以言

維寬弘四年歲次丁未正月朔參議正三位

行兵部卿兼左大辨侍從播磨權守藤原朝
臣行成一心奉請弘法大師尊像敬擎香花
之奠驚覺而言其蒙去月其日宣旨每可修
飾美福門額字者今件門額是大師之手書
也題署之後載禮久矣制草之上露點雖消
入木之中風勢無盡所存筋骨似有精靈今
蒙明詔而欲下墨則疑有黷聖跡之真謹更
憚聖跡而將閣筆恐拘辭明詔之朝章晉退

非心胡尾失步危於凌雲之忽變於梳雪之
晉カウニ甚於五德之不及於九苞之翎然猶晉布
軍之署南門後加隋代之花飾魏庚子之題
西省本是唐帝之草真就其舊跡更施新功
中心所望前聞在斯伏乞尊像示以許否若
可許所請者尋痕跡而添粉墨若不許所請
者隨形勢而廻思慮主事靡監盍鑑於此尚

卿良

此後天林坊...
本朝文粹卷十三
四

北野天神供御幣并種々物文中原長
國獻上。大江匡衡

御幣上紙百帖
色紙繪馬三疋
供物二長櫃
走馬十列

右天滿自在天神或鹽梅於天下輔導一人
或日月於天上照臨萬民就中文道之大祖
風月之本主也翰林之人尤可夙夜勤勞而
性愚事劇思以涉年爰露命半祖無益噬臍
風情欲隱不如傾首昔彭祖七百載悔已杖

晚而早衰今小子六十餘猶恨趨朝以不幾
萬死也一生也只仰神眷而已匡衡病中右
筆伏地敬白

寬弘九年六月廿五日正四位下行式部
大輔兼文章博士丹波守大江朝臣匡衡
敬白

○呪願文
臨時仁王會呪願文
後江相公

三千界中唯佛是仰十六會外此經殊勝
非有非空妙理冰渙天上天下牟尼月明
既稱仁王神符救世亦號護國潛衛佐時
我皇虛心カキニ 睿慮安在イハル 聖主責已ムト 神襟何由カヨス
五元餘殃拂而難盡三合遺孽防而猶留
山東凶徒結黨構逆海西狂豎成群拔邪
凌辱吏民劫略州縣顧我風化仰勲祖宗
受命將軍議其征伐穀城石動常山蛇驚

付屬寄深可假誰力受持志切莫惜其威
青陽六旬黑月七日近綾綺殿遠羅城門
驗佛堂前名神杜下百講排座二軸分時
抽誠一心求助五力准法守護如說修行
東方菩薩持金剛杵放青色光來護我國
南方菩薩持金剛索放白色光來護我國
西方菩薩持金剛釵放金色光來護我國
北方菩薩持金剛鈴放琉璃光來護我國

中方菩薩持金剛輪放五色光來護我國
開題之初授首悔禍結願未畢束手請降
須臾奔亡同逐風籜刹那殄滅類向日冰
戎旅長停藏兵武庫風塵自靜放馬袍山
七難先銷四海無事班足遷怒赤脰比蹤
杏華欲開何忘東作桑葉初吐須催西蠶
古釵空拋鑄耕田器新弓徒弃造綵絲車
鳳曆運長鴻業德久壽福俗阜無死有生

禮節資饒乞漿得酒四生大小三界親疎
併開善根同攀覺藥

天慶二年二月廿二日

淨妙寺塔供養呪願

水不昇上月不下降一月高晴衆水同泛
水月程隔雖無昇降感應道交自通念願
粵左相府曩志內催木幡古墳草創新寺
忽飾神道爰開佛庭晝夜六時勤修三昧

露菁遙契カニ慈導導龍花カ風松永傳カ妙法具葉
一乘教法今盛此中多寶證明必來此處
彼佛昔誓供養全身其處先須起立一塔
仍課土木遂以合成冬初初功冬終終業
番菓菜葉其構雖微魯匠殷工其誠猶至
釋迦多寶半座全身普賢文珠觀音勢至
眉間瑩出頂上照來二世尊前四菩薩後
窮冬二日吉日良辰燒香散花恭敬供養

作一心禮カ囉百口僧霧集雲廻カ或梵或唄
山表寒雪四花假粧林梢曉星九枝添影
事已周備福豈虛捐列祖精靈一族朽骨
別則考妣及以兄弟共證菩提普關功德
先擎白葉敬獻紫宮素日輝長殊風薰久
太上兩院皇后仙園玉砌收塵珠簾拂霧
中宮露暖麗花鎮榮內職風和累葉無動
龍樓永樂猿巖彌堅三槐庭平九棘門靜

施主蓄念、唯佛證知、照之見之、必滿必足、
現世安穩、後生菩提、輔國周公、顧家魯子、
天衆地類、陪增威光、上下見聞、親踈遠近、
塵刹沙界、六趣四生、出三界門、至四衢道、
寬弘四年十二月二日

○表白文

天皇御筆法華經供養講說日問者表
前中書主

金輪聖主、乘雲遍壽、潤藥草於春畝、弄日重
照、轉法輪於昏衢、方今開蓮之文、出聖跡臨
池之妙、貫花之偈、生神筆入木之功、爰擇碩
德於鴈堂、開講筵於燕寢、誠是所未、曾聽不
可得逢者也、講匠先當其仁、始說其義、東風
未溫、舌下之冰、盡解子夜未至、曾中之月、先
明、聊叩疑關之樞、將披難入之義、
天曆九年正月四日

發願文 二條

前中書王

伏願未來無量劫恒河沙世界於法華經自
 書若令人書受持讀誦若令人受持讀誦得
 令無其量以此一大事回緣之故使一切衆
 生悉得無上菩提願生澗底之松焦心成墨
 點亦化山下之泉引脉而添硯水春風和暖
 之朝生煙林之筭長莖握枝令可作筆管秋
 月淒涼之夕產寒郊之兔採毫纏毛令可作

筆柱以書著垂露之點以開出貫花之文亦
 冬為宿雪夏為行雨潤彼千畝滋我百穀令
 我持經者不乏中食飲或為水蠶殺身成仁或
 為雪麻絕根報恩令我持經者不乏衣服乃
 至轉々隨喜者皆出有為界令至無漏地敬
 以發願
 伏願未來無量劫恒河沙世界於我本尊觀
 音大悲至心供養盡身服事頂長為承趺之

地口常為唱名之業。生々世世敢不退還。為
叶我觀音之大悲願。代五濁衆生受苦惱。嗟
呼諸佛拋我不顧。令我久溺苦海。唯我觀音
視以慈悲之眼。朝庭拋我不顧。令我既為弃
井。唯我觀音降以汲引之恩。恒沙之界立錫
之地。猶無非奉為觀音。弃身之處矣。三世諸
佛誠聽我言。吾重觀目緣。聞法華之勝理。覺
觀音之慈悲。是釋尊之遺教也。一切善願先

奉廻向。白衣弟子。伏以發願敬白。

○知識文

觀學會所

欲被故人黨結同心合力。建立堂舍。狀
慶保胤

堂一字 一間四面

廊二字 各七間

屋一字 七間炊

費所

右起會以降十六箇年。緇素歸心。內外勸學。善哉此會。未曾有之。但有會名。無會處。每至期日。借求諸寺。若有謗法之倫。是惜。若有觸穢之事。可避者。其奈有期之會。何豈可不歎乎。假使一度延之。闕之。人心自怠。我會空廢焉。不能無寺。去年前甲州司馬刑部郎中。施入地一處。彼何人乎。與善如是。我等何不造一堂於其中乎。嗚呼。不聞蚊聲。成雷。不見狐

腋作裘。莫辭官無俸祿。莫道家太貧窶。唯是力之所任。志之所欲。雖一錢一粒。雖寸鐵尺木。所不亦嫌也。古今有造高堂大館者。寧非旅宿乎。有堆黃金。美玉者。又是浮雲也。我等適起此堂。永修此會。世々生々。見阿彌陀佛。在々處々。聽法華經。是大日緣也。是大善根也。若有故人黨結之外。同心合力之徒。可以隨喜。可以頌歎。今記事由。所唱如件。請各勤

之勿以忽諸

天延三年九月十日

勸誘源階

○廻文

勸學院佛名廻文

慶保胤

夫佛名懺悔者其來尚矣便是一院之舊跡
多年之恒規也下帷之士不窺其園希張鳥
羅於煙郊閉戶之生不出其闔誰弄魚竿於
月浦然而照書之窓多積丹鳥之恨披快之

處自致紙魚之愁飛沉伏走之群胎卵濕化
之類或傾一旦之命或樂千歲之生寔雖長
短不同大小各異愛生惡死彼此同上者也
況復春苑鳴硯以花稱雪秋籬染筆假菊號
金妄語之咎難逃綺語之過何避誠雖樂遊
宴於下土之性尚恐遺罪累於上天之眸是
故卷書帷而禮佛掃文場而迎僧先生有餘
之罪願消禮拜之頭今生無量之福願開懺

悔之掌一筵先達得羽化於鳳掖之雲滿堂
宏才致鱗飛於龍門之浪善根之地布施是
勝羨集輕財於同心招厚福於合力所課有
例諸君勉焉

年月日

○願文上

△神祠修善

賽管丞相廟願文

慶保胤

沙彌其前白佛言往年為榮分為聲名祈廟
社祈佛法有日矣遂其大成徒于微官是天
之工也是神之福也其一願曰就天滿天神
廟會文士獻詩篇以其天神為文道之祖詩
境之主也其暮年出家一旦求道今老沙彌
無便營風月之賽此一乘教有心展香花之
筵嗟呼花言綺語之遊何益於神道希有難
解之法可期其佛身當此時也一神有慶衆

生頼之功德無邊普及一切敬白

寛和二年七月廿日

於尾張國熱田神社供養大般若願文

江匡衡

國宰正四位下行式部權大輔兼東宮學士
大介大江朝臣匡衡誓首禮足白佛法僧言
當國守代々奉為鎮主熱田宮奉書大般若
經一部六百卷已為恒例之事其中若有神

明不享之吏不能供養此經亦不能遂任秩
當國之事莫先於大般若會匡衡幸出顏巷
之雪窠謬蒞尾州之風俗若不奉侍讀於我
后何必質朴之愚者得為州刺史若不殖善
根於此地何必閑素之儒者得書大般若今
年遭洪水遭大旱國雖衰少治術少貪欲身
雖貧事不獲已率由舊儀莊嚴熱田之靈社
流布般若之教文請僧六十口伎樂兩三聲

財幣玉帛。或々羅列。法器道具。各々并張。苟有潔信。潢汗之水。非穢。苟有香綠。智惠之花。自開。初謂盡善。盡美。具足以快薰修。豈圖隨有隨無。低頭以纒。供給傳聞。大般若者。釋迦如來。成道十年之後。於鷲峯等四處十六會。中所說。為除憂苦。譬之天上莫耆之藥。為滿求願。喻之海中如意之珠。二世如來。以為慈母。十方菩薩。以為尊師。昔玄奘三藏。從大唐

顯慶五年正月。至龍朔三年十月。首尾四年。譯之。今白衣弟子。從日本長保三年八月。至寬弘元年十月。首尾四年。書之所生。功德以莊嚴三寶。大海三所。權扉以廻。向天衆地祇。三界四恩。忝捧惠業。奉祈金輪聖主。增長福壽。圓滿御願。澄清天下。興隆佛法。復誓護左府殿下。息災延命。千秋萬歲。仰願諸佛。知見證明。嗟呼碎丹心。而營佛事。還類常啼菩薩。

之售身割薄俸而饒神威只恃熱由權現之
垂跡我願已滿任限亦滿欲歸故鄉之期今
不幾神明願賜靈貺匡衡敬白

寬弘元年十月十四日正四位下行式部
大輔兼東宮學士江朝臣匡衡敬白

○供養塔寺

村上天皇供養雲林院御塔願文

江納言維時

夫雲林院者松筠有心之地香花不朽之場
也草創之功雖在宿昔興隆之思猶切當今
此院堂舍鐘樓皆悉具足其所無者塔婆而
已風聞造塔善根流傳貝葉豈唯果報之殊
勝兼復道場之莊嚴也仍心中發願之後新
結構多寶塔一基安置五佛像飾金之鐸待
曉風而常鳴承露之盤非秋日以永映便開
支提之會一身歸心正驚羅漢之僧百口應

請內典云。若人作樂供養三寶。所得功德無量。無邊不可思議。是故別命伶倫。整理音樂。兼令舞人。盡其妙曲。嗟呼落花飄颻之光寧。如翻袖垂柳婆娑之態。難及轉腰抑亦。往年擇此地之閑敞。修法華三昧。半行半座。累日累年。今令移舊造。普賢菩薩像。舊書妙法蓮華經於寶塔之中。至行三昧於此。致勤駕六牙之白象。證明無愆護一乘之法輪。觀念不變。

法會勝利。普將廻施。天神地祇之不同。共向惠日。聖靈寃靈之相異。盡住法雲華夷銷塵。盡感四海之清謐。朝野卷霧皆戴三光之精。明仰願玉臺之中。彌添王德。金殿之上。又照金輪。黃河澄波。再計五百之歲。紅桃結子。三期一千之秋。乃至鵝王威力。遠任遍法界之風聲。鴈塔功能。遙分利衆生之月影。敬白。

應和三年三月十九日

為左大臣供養淨妙寺願文

江匡衡

弟子大日本國左大臣正二位藤原朝臣。某
前白靈山淨土釋迦尊言風聞天上天下妙
覺之理獨圓三千大千無緣之慈普被佛法
之冲邈不可得而稱者也弟子自竹馬鳩車
至而立強仕不好獨善企兼濟不忘敬始願
善終昔弱冠著緋之時從先考太相國屢詣

木幡墓所仰三重瞻四破古塚纍々幽塚寂
寂佛儀不見只見春花秋月法音不聞只聞
溪鳥嶺猿爾時不覺淚下竊作斯念我若向
後至大位心事相諧者爭於茲山脚造一堂
修三昧福助過去恢弘方來思以涉歲不敢
語人爰承累葉之慶浴皇花之恩年三十極
人臣之位十一年忝王佐之任皇帝之為舅
也皇后之為父也榮餘於身賞過於分如履

虎尾如撫龍鬚因茲雖趨朝廷雖居私廬發
菩提心凝道場觀行住坐卧事三寶造次顯
沛歸一乘抑檢家譜萬歲藤之榮所以卓犖
萬姓其理可然何者始祖内大臣扶持宗廟
保安社稷淡海公手草詔勅筆削律令興佛
法詳帝範其後后妃丞相積功累德寔繁有
徒矣建興福寺法華寺開勸學院施藥院忠
仁公始長講會昭宣公點木幡墓所貞信公

建法性寺修三昧九條右相府建楞嚴院修
三昧先考建法興院修三昧此外傍親列祖
之善根德本不遑稱計方今時々詣墳墓為
建寺指點形勝向彼松下則破二恩父母之
廟壇問此巖頭亦瘞同胞兄弟之芳骨雖至
孝鍾愛之子孫不能晨昏雖近習舊勞之僕
妾不能陪侍山嵐朝掃庭溪月夜舉燭而已
仍自長保六年三月丁日結花構償初心不

材之所企造普賢而為刻木拜貌之志匪右
之所思書妙法而代立碑記德之文是以勵
拙掌而馳筆區以信為嘉手債毘首而加意
匠移孝禮尊顏今日擇曜宿始法華三昧刻
十月定星之期迴萬代不朽之計于時蒙霧
開愛日暖可謂天地和合風雨不違祖考感
應垂冥助之令然也別亦奉書法華經百部
千軸般若心經百卷囉百餘口賢聖衆以香

花梵唄洪鐘浮磬寶蓋幢幡名衣上服七珍
百味供養之演說之青苔鋪設自展七淨瑠
璃之茵紅葉亂飛暗成千花錦繡之帳玉軸
星羅見岷山之積玉金言流布知提河之有
金夫寺廟者如來之墳墓也實相者法身之
舍利也丹誠獨勝有便於弘一乘主舍不遠
無煩於羣僚丹丘青塚忽具如來之真色
萬籟百衆皆唱妙法之梵音疑是靈鷲山之

乘五色雲以飛來歟將亦法龍池之驚六種
動以涌出歟視耳未曾視聽目未曾聽彼端
木者魯之賢士也移家於孔子之墓傍王功
者晉之重臣也築寺於祖父之廟北聚龍象
以弘智峯譏羊大傳之絕後胤伴槐棘以高
法棟擬王丞相之拜先坐黑白衣之雲集豈
唯三州五郡之淺契內外戚之影從抑亦見
佛聞法之大緣功德遍于法界利益及于衆

生我願已滿衆望亦足以此一善廻向四恩
天下安穩萬民快樂敬禮釋迦多寶妙法大
乘妙光法師普賢菩薩埵入此道場證明功德
天神地祇及茲山幽靈善神等被如來之衣
著菩薩之座仰願三寶增益一念嗟呼煖寒
木於大智之日淚變蒼柏之煙露枯壤於甘
露之泉手播白蓮之種劫石雖磷願主之印
不剝芥城縱盡不退之輪長轉願共諸衆生

上征堯章西遇彌陀弟子其歸命誓首敬白

寬弘二年乙巳十月十九日甲午左大臣

供養同寺塔願文

弟子其歸命誓首白佛言木幡山淨妙寺者
松柏有心之地佛法肇興之場也弟子為奉
貴祖考宗族之幽儀發未曾有之願爰於墳
墓之緣邊新建寺院修法華三昧設供養於
無疆期香花於不朽蓋慕古人廬墓側之跡

所草創也曉夕參詣孝之至也其由緒詳見
寬弘二年十月供養寺之願文矣方今此寺
有佛像焉有經典焉有禪侶焉有鐘樓焉有
房舍焉有庖浴焉道場之體漸具其下成聚
成邑唯其所無者塔婆而已風聞若善男子
善女人等以清淨心造作佛塔是人一生不
為一切毒藥所中壽命長遠無有橫死究竟
當得不壞之身矣非唯果報之殊勝兼為佛

本朝文粹卷十三
庭之莊嚴仍以心中發願之後新結構多寶塔一基其內安置釋迦多寶一如來普賢文殊觀音勢至四菩薩等不日而成若是從地涌出歟穿雲而出將亦自天飛來歟金星銀星之左右飭護塔之魚白雲青雲之低昂迎遊塔之鳥見露盤之耀日道場觀之胛已開聞寶鐸之鳴風菩提心之淚先落如遇過去之二親振肝葉而歡喜似對優曇之一現合

掌花而薰修今日設大會供養此寶塔噯百餘口之羅漢仰三世佛之證明寧鸞鳳之群代鸞雀之賀爰雲衲霞袂或來自靈鷲山之巔錫杖香爐或出從鳳凰谷之底道儀照地九億之人皆來法音沸天三千之界盡動弟子年來作功德種々無量半是為菩提半是為現世心汚不必清淨攀緣非無所慙於此造塔為祖考先靈成等正覺也為自身滅罪

生善無上菩提也。夫近塔之石變為美玉，近塔之土變為黃金，度塔上之飛禽避結使之羅，過塔下之走獸免煩惱之箭，何況於至心人乎。然則此山之林中縱有枯株，依造塔力可榮何株；非釋迦樹，此山之藜中縱有寒草，依造塔力可暖何草。非妙法蓮古之塔，凡文有萬歲千秋樂未央之七字，推其樂字之趣，感淚難禁，現世則天下太平，理世安樂之樂。

後世亦地下拔苦，往生極樂之樂。弟子所願已同，凡文所修功德，迴向十界所修善根，引攝四恩，天神地祇，向惠日而增光，精靈冤魂，浴法雨而離垢，亦願上自紫宸下及黔首，華夷消災，幽顯蒙益，南無一代教主釋迦尊多寶分身諸善逝，增益我願，助成我願。昔幼日童子之戲聚沙，施石，今長年丞相之勤瑩玉範金，阿育者阿闍世王之孫也，假神力而責。

鬼傭弟子者日本國王之舅也浴皇恩而興
佛法愚丹所思啓白如此弟子其歸命誓首
敬白

寬弘四年十二月二日弟子左大臣正二位
藤原朝臣道長敬白

為盲僧真救供養奉都婆願文

江匡衡

佛子真救敬白幼少失兩眼十餘隔二恩身

已有若亡人間既非可求名利心在無上道
佛界何不垂慈悲是故至十三出家及四十
不退衣雖破懺愧之衣是全食雖乏禪悅之
食是豐目雖暗有耳得聞諸法理目雖暗有
舌得誦一乘經目雖暗有意得念極樂目雖
暗有足得至道場嗟呼目暗一不幸也不見
經不見佛不知晝不知夜目暗一幸也雖向
衆色不起見欲無怨無怒無喜無辱弟子宿

報可思後生可懼久遠幾久遠乎未來幾未
 來乎涅槃山上釋尊之日早歲生死海中慈
 氏月未照悲哉我等衆生進不遇釋尊退不
 期慈氏恨止其中間空欲歸三惡是而不勤
 後悔不及夫摩都婆之功德大哉至哉不可
 得以說仰變身於多寶如來尋信力於雪山
 童子功能出於般若饒益傳於俱縛因茲弟
 子致一心合衆力造立十三基額有三面矣

下面奉圖阿彌陀佛觀音勢至各一體二面
 奉圖阿彌陀佛地藏龍樹各一體以六體佛
 菩薩蓋當六道矣下面奉圖阿彌陀等蓋檀
 那善女人之願也凡十三基中奉寫法華并
 八品諸真言等真救跪於佛法僧前起悲心
 發弘願願以此功德迴施諸衆生云佛云經
 計微塵劫以度脫一香一色遍恒沙界以薰
 修此中有如我病重者如我貧窮者先與諸

藥今到寶山然則我等衆生斷惡修善離苦
得樂不越南部便覩西方敬白

○雜修善

朱雀院被修御八講願文

江納言

風聞佛心湛水智慧之海無涯神變放光暗
冥之霧盡散花雨四種彌勒欲決疑於當今
材明六通文殊能弁瑞於往昔寔知釋迦尊

之說法華經也醍醐味灑豈求雪山之中栴
檀風吹自出雲臺之下無二無三之車脂轄
運載爲宗難解難入之門排肩開悟不測是
故聽聞受持者書寫供養者保寶珠於醉後
照燃燈於暗中被岸引攝之因普濟三千界
之塵數佗方妙覺之果速證四八相之金容
抑朝露易滅春夢非長刹那之榮花更變枯
木須臾之歡樂還爲苦緣况復紅桃漸淺可

動風前之心。翠柳不濃。何貽霜後之悔。月宮留影。雖得承天之名。塵翳寄身。恐滯成佛之道。加以流轉三有之群類。欲拔罪根。往返六趣之衆生。思授覺慧。荷謀能救。憑白毫之照見。何善能通。仰白牛之引道。因茲或於天台山。或於法性寺。多造尊像。數寫經王。白業年深。丹心日積。然而大光迴映。猶有伏不見之人。一乘轉輪。非無退亦佳之輩。重爲佛法興

隆。自他利益。奉造立金色釋迦如來像一體。奉書寫金字妙法蓮華經一部。千花開盡之候。百鳥和鳴之時。八講展筵。四日設會。鶯子無雙之智。振英聲於暮春之風。鶴勤有一之才。傳義寶於長秋之聽。其所修者。朱雀院之中。栢梁殿之上。優曇花發。海岸香薰。嗟呼。叨利天宮之園。舍歡喜之號。蓮華世界之鳥。轉妙法之音。懷古感今。異處同趣。以此勝利。遍

擬廻施天神地祇增威光以隨喜寃靈邪鬼
銷怨氣以歸真紫微聖德之居金輪常照
玄圃仙遊之際玉體永明在藩諸主不改盤
石之固空桑賢輔久保金鉉之名文官武官
共勵吹塵橫草之忠節畿內畿外皆報千門
萬戶之歡娛乃至自有頂天及阿鼻地如此
經說濟度不遺敬白

天慶十年三月十七日

朱雀院平賊後被修法會願文
奉圖觀音像六鋪
奉寫法華經六部
右奉仰云慈悲為舟濟度類於苦海智惠是
炬照群迷於昏衢難解難入白蓮之種貫花
無去無來紺頂之影澄月無得而稱其唯妙
覺歟伏惟追尋往事不忘者有猥以眇身嗣

寶曆訓俗少術踐薄冰於深淵撫民失方
懼朽索於奔駕東山捍命之徒陣雲漫起南
海亂常之族逆浪不閑遂議征伐而出師更
愍滅亡而泣罪或伏白刃而傳首或迷蒼波
而亂骸猶恐九泉之底永纏寒冰三塗之間
彌溺沸鼎合眼憂悲彈指警咳音當萬邦之
有罪歸責於一人今思四生之無安求哀於
十力夫遊十方而導衆生觀音之誓自在兼

三界而救群類妙法之功甚深故今圖繪尊
像繕寫寶典分此一心備於六道雖在官軍
雖在逆黨既云率土誰非王民欲混勝利於
怨親以頌拔濟於平等况隋高祖之建仁祠
變戰場於頗梨之閣唐太宗之設齋會迎亡
卒於菩提之門在今尋古世異趣同爰展一
日之錦筵普施千僧之綺饌意樹迎春解脫
之枝點萼身由迎夏定惠之水浮光非揮智

叙何剪稠林。仰願多寶如來。從地涌出。普賢菩薩。乘象降臨。證明恩波之無岸。知見聖德之有隣。又願燕肝越膽。輪廻之鄉。無期欲海。愛河流轉之輩。不定請扇鷲頭之餘風。併滅阿尾之殘焰者。奉仰令修如件。敬白。

天慶十年三月廿八日。別當從三位守大納言兼右近衛大將藤原朝臣師輔奉
供養自筆法華經願文 前中書主

弟子某敬白。夫來而不留。薤壘有拂晨之露。去而不返。槿籬無投暮之花。論此浮生。如彼花露乎。况雪鬢齡邁。黃壤期催。若不心起一念。手成微功。徒為東岱之暗魂。北芒之朽骨。因尋竒肱而奉造。白檀觀世音菩薩。一柱釋提桓因。毘沙門亦穿拙掌。而奉寫墨字。法華經一部。開結經般若心經。貞元之歲。無畏道場。敬啜鴈門之師。講演鷲峯之偈。伏願諸佛

如說隨喜播于一善之蒂芥納於百億之須彌豈敢習人間之息災唯是充身後之追福而已昔朱邑之歸邑里也有懷桐卿之民今弟子之誠子孫也不如桑門之侶故以佛經屬我法侶雪盡冰解之日付谿鳥而傳妙音月殘露結之朝折籬花以供佛界迥可香煙之不純者無恨先石火之早敲矣有為之卿無邊之界同應方赤共期圓明兼明誓誓敬

白

貞元元年九月十九日弟子左大臣正二位兼行皇太子傳源朝臣兼明敬白

為空也上人供養金字大般若經願文

善道統

奉書寫供養金字大般若經一部

夫以覺花承步應化之跡長芳佛日懸光真空之理已顯大千世界遍戴慈悲之雲一切

衆生悉潤智惠之雨嗟呼諸無相四生無常
五蘊六根雖陰陽之陶冶真如捺落在善惡
之因緣成劫壞劫前身後身禽獸魚虫何物
非流轉之父母山川藪澤何處無生死之形
骸是以爲四恩六道成佛得果故始自天曆
四年九月至于應和三年今朝星霜十四廻
曾臆千萬緒常啼大士之本誓懸心晨昏法
涌菩薩之對揚寄思開示市中賣身雖在我

願人間催信既寄善緣半錢所施一粒所捨
漸々合力微々成功紺瑠璃之紙象教垂跡
紫磨金之文鴈行成字烏瑟暗加護持羊柱
適畢書寫抑空也齡逐年暮身與雲浮禪林
戴霜有漏之質已老意榮發露無上之果欲
求以先彼後我之思爲思以利他忘己之情
爲情薜服防風之外更企何謀麻食送日之
中復施何力曾無一鉢之儲唯唱十方之志

於是幽明共動遐邇普驚長安洛陽貴賤上下共致歸依令遂供養昔一婆聲聞之展齊筵廣勤三明之炬墨元比立之傳法水遍廻六度之舟或催功德於人民或得恭敬於草木仍為廣集會廣隨喜殊於王舍城之東河假立佛世尊之月殿泰屈六百高僧之龍象將歸十六大會之煙霞白足青眼之輩鏢腹乘坏之人或降自雪嶺香山或至自菴園奈

苑甚深之義海象吐明月之珠精款之誠天人湛梅檀之水白浪咽石之岸相同鷺池青草敷煙之堤宛如鷺嶺方今聊設伎樂供以音聲洞簫羌笛之管曲沸晴夫龍頭鷓首之舟棹穿秋水况亦說法之後更臨夜漏設萬燈會修菩薩戒專念彌陀永歸極樂苦空傳音如聞命々之鳥禪波澄意欲開上々之蓮皆以勝業先資神祇無明夢驚長別苦海有

本朝文粹卷廿三
習怨盡應謝稠林。以此善根奉祈聖朝。金輪
千輻道被飛帝之先。玉體萬機化出哥主之
表。蘭殿椒房。鶴禁唐園。母儀之砌。蛇齒獻駐
老之方。少陽之宮。龍胎勸延年之術。三台九
棘。百辟千僚。花夏遠近。緇素尊卑。同浴佛海
之無邊。須保壽木之不老。乃至有緣無緣。現
界他界。無始以來。所有群類。動五逆四重之
辜。免三惡八難之苦。荒原古今之骨。東岱先

後之魂併關薰修咸證妙覺敬白

應和三年八月廿二日 佛子空也敬白

為仁康上人修五時講願文

江匡衡

佛子仁康敬白

奉造立金色丈六釋迦牟尼佛像一

軀奉書寫華嚴經等云

右佛經奉造寫如件夫佛日之出世也先照

高山次及幽谷影臨萬水光滿三空圓融亭
午寂滅平西衆生破暗此焉明矣不然者十
方佛土所擯棄是娑婆世界衆生徒累火血
刀之業因焉聞佛法僧之名字哉誠是生死
海中大船師煩惱病中大醫王也佛子哀哉
不值在世之日不生正法之時省躬彌慙向
誰而訴經曰若聞釋迦牟尼如來名號雖未
發心已是菩薩矣是以感淚暗催心作此念

願我與善知識共奉造釋迦尊之形像演暢
所說之經典令衆生得見佛聞法之便十二
年來能事畢矣昔忉利天之安居九十日刻
赤梅檀而模尊容今跋提河之滅度二千年
瑩紫磨金而禮兩足彼大王之力也五尺猶
假天工此貧道之功也丈六適叶人望方今
於洛陽城河原院設六日之大會移五時之
舊儀身子說經頭面禮佛七匝香煙琉璃之

雲成蓋。四種花雨。簷蔔之露。添灯異口同音。讚嘆如來之相好。低頭舉手。懺悔過去之罪業。時也大衆中。或垂涕曰。我等不圖今日奉見靈山。釋迦衆心歡喜。得未曾有。嗟呼。衆生慈父。今已在此。三界何子不蒙教化。抑佛昔於過去。釋迦牟尼佛所發心。你願曰。願我成佛時。名曰釋迦牟尼。徒衆及教法。如今日世尊佛子。今願亦復如是。凡厥發因起緣。或順

或逆。皆以今日之善根。將為來世之張本。願共諸衆生。往生安樂國。南無釋迦牟尼佛。敬白。

年月日

齋然上人入唐時為母修善願文

慶保胤

佛子齋然。至心合掌。而白佛言。齋然心願。如來可證明。齋然天祿。以降有心渡海。本朝久

停乃真之使而不遣入唐間待商賈之客而
得渡今遇其便欲遂此志奮然願先參五臺
山欲逢文殊之即身願次詣中天竺欲禮釋
迦之遺跡但我罪障之身血肉之軀既到
其土而不易况見其身而可難古人云縱有
為大山者覆一簣以不止終及萬仞矣又有
赴長途者投咫尺步以不留必屆千里焉其積
功累德致誠專志者無事不成無願不遂有

然去難去之家鄉棄難棄之恩愛寄心於無
知之城委身於異類之人豈不哀哉豈不痛
哉然猶不顧軀命不著名利渡海登山忍寒
忘苦修行是勤罪根漸滅大慈大悲釋迦文
殊可以憐愍可以相迎佛子自發此願獨恠
此心何況道俗云誹謗盧胡者已千萬人
弟子童子勸誘相從者纔二三輩其謗者云
凡入唐求法之人自宗者弘法大師天台者

傳教大師皆是權化之人。希代之器也。此外之倫才名超眾。修學命世。如佛子者。不及古人之喻。猶不可天之階矣。定知表我朝無人也。竊以不得意人所陳。宜然。夫非魚者不可。以知魚樂。非我者不可以覺我心。奮然聊露膽於三寶。並解嘲於眾人。佛子其行不必得待。綸言縱歸何敢貪職。任為是斗藪。為是菩提也。若適天命。得到唐朝。有人問我。是汝

何人。捨本土朝巨唐。有何心。有何願乎。答曰。我是日本國無才無行。一羊僧也。為求法。不來為修行。即來也。其詞如是者。於本朝有何耻乎。彼鍾儀之遇。繫囚也。尚奏楚樂。莊烏之得富貴也。不變越聲。胡馬非北風。不嘶。越鳥非南枝。不巢。雖誠禽獸。猶思卿土。況於人倫。豈輕桑梓乎。佛子心有難忍之事。如來重照見之。老母在堂。行年六十。其恩是深。不得示

報佛子拋母欲去則可失孝行携母將留亦
可乖宿懷初獨思量之後終相談之母曾無
怨貌既有勸心佛子一歡一泣淚與言落我
母不是人世之母是善緣之母也若萬人緩
頰苦心而諫之我未必從若一親形言變色
而留之我可何逆哉誠勸我之佛道寧非我
之慈堂乎佛子有男女兄弟二三人相議曰
餘年之水菽者汝之所可營何以及飢寒後

生之菩提者我之所為先豈令隨惡趣乎凡
棄恩入無為真言之報恩奉圖十齋佛菩薩
及彌勒文殊梵天帝釋像一楨奉書妙法蓮
華經仁王經各一部便於常住寺五日十講
供養演說是即為慈母七七日所逆修也所
以圖繪此佛像者為慈母一月十日精進歸
依所以講說此經典者令慈母現當植因結
緣也佛子不知天加慈母數年全佛子餘命

自唐朝還吾土再見母面終遭母喪文不知
母者在此土而空亡子者於他鄉而不歸唯
隨宿習之所催任運命之自然而已嗟呼我
身非我身朝露易消暮雲難繫我心非我心
昨日為是今日為非然則去留難定變改難
期唯願如來永拂魔事將報佛恩敬白
天元五年七月十三日佛子齋然敬白
本朝文粹卷之十三終

本朝文粹卷之十四

○願文下

追善

陽成院四十九日御願文

後江相公

奉造

其佛

奉寫

其經等

右去九月二十九日忽出冷泉之寶宮求遷
真如之華界七七御忌已當今朝仍於圓覺

道場奉供養件佛經佛則在世之時蓮眼早
發經是昇霞之後金文新成我聖靈陛下拋
羅圖而逃塵比萬乘於脫屣落雲鬢而入道
尋三明於方袍姑射山之上送八十年之春
風功德林之中迎四八相之秋月言其尊儀
娑婆世界十善之主計其寶筭釋迦如來一
年之兄抑大般若經一部六百卷金剛般若
經三百卷未揚題名忽作灰燼無相之月早

藏雖顯寂滅之理有為之悲難忘不待稱揚
之期今日遺恨只在此事揔擎此惠業奉飭
聖靈千官景從本是諸夫之愛子九品雲從
今則三界之慈親定知貪憐圓明之覺花豈
敢往還煩惱之火宅功德之餘普及遠近敬
白

天曆三年十一月十八日別當前大納言

源朝臣

朱省院四十九日御願文

後江相公

奉鑄純銀阿彌陀佛像一軀觀世

音菩薩并得大勢至菩薩像各

今限三界之一體

奉寫金字妙法蓮華經一部八卷

無量義經觀普賢尊勝陀羅尼

阿彌陀般若心經等各一卷

奉寫墨字妙法蓮華經一部八卷

無量義經觀普賢經各一卷太

般涅槃經一部四十二卷

右先年依仰所奉寫也

以前供養尊像演說妙典造寫之趣大槩如

右伏惟太上法皇昔是無何在心辭萬乘而

脫履今亦有為厭世入三密而出家去春以

還聖體不豫摩耶入夢毒龍遺吸珠之悲世

尊患風者域施獻藥之術優鉢羅之蔓三龔
失方梅檀椹之羹一服無驗四十年中利生
之願不遂三五月下登覺之行暗催問前途
於何處觀音得大扶行路而奉迎訪後生於
誰家寶樹蓮臺加莊嚴而相待方今仁山長
崩群居無主之荒砌慈海已竭共溺戀恩之
涕川射山計日虬箭頻移鼎湖隔雲漏水屢
滴爰三五七之良因聖主每度修福於七箇寺

四十九之惠業國母臨期開講於一伽藍定
知真如宮裏三明之月更朗菩提樹下七覺
之華彌鮮抑說法有隣何野非鹿苑如來不
往何山非鷲峯然而殊向醍醐之寺重拂寶
塔之下先朝御願留在此場悅五層之漸成
整八音而期會處處訪名普課良家之懸恒
聲聲調樂欲備天衆之降臨忽遇蘭房之求
涸酷嘆善苗之不孰叡心所指疑在花時從

樂盡哀來志留事變鳳舞鸞歌雖垂去年之
聖慮羅襟雲衲不改舊日之詔名敬奉饒龍
駕之不返兼復供鴈塔之新成娑婆假使出
鳩鳴之城彈右指真如定是把孔雀之尾掃
宮墟嗟吁遠近遺恨不見春洞連袂之柳腰
緇素含哀空聞暮山咽嵐之松響官臣某且
尋上皇之叡襟且奉中宮之令旨右膝著地
左手揮淚令脩如件敬白

當天曆六年十月二日別當中納言從三位
兼行春宮大夫左衛門督藤原朝臣師
尹敬白

朱雀院周忌御願文 後江相公

奉造金色阿彌陀佛像一體
奉寫金字妙法蓮華經一部八卷
無量義觀普賢阿彌陀般若心
經等各一卷

已上中宮所令造寫給者

奉造金色千手觀世音菩薩像一

體觀音像一體普賢文殊各一體

奉寫墨字一切經五千三百六十二卷

已上院司所令奉勤也

右奉皇太后宮令旨云太上法皇周忌御齋造佛寫經大略若斯娑婆電泡之國誰免無常之悲分段生死之鄉難緩有涯之尅常理

之中猶有難忍我上皇九重之居非不貴也豈若姑射之幽閑四海之家未作貧也豈若真如之寂靜故濟生願遠已拂煩惱之萍出世契深遂赴菩提之道何臨夕陽之西傾忽逢慈雲之東斷百二十之壽量可責妄語於如來千萬億之悲情更訴遺恨於何處昔釋迦善逝為報摩耶之恩昇忉利而說法今國母寶宮為飭上皇之德留閣淨而設齋其

趣雖異其志猶同唯願大悲照此御願者又
上皇昔有奉寫一切經之叡念蔡子宅中魚
網雖舊張之池畔松煙非深尋冲襟於舊白
畢繕寫於今朝大小乘之並軸貫春花而象
鮮權實教之飛文垂曉露而分點彼一句半
偈之功能佛猶難算數况八萬十二之校量
誰敢知淺深天台山上有一別院堂構漸久
莊嚴未訖盡丹青於一心之中成粉墨於期

年之內便於此院敬展講筵秋山運心所設
者百羅漢之綺饌羅逕分味所助者千比丘
之霞餐以此香緣奉饒彼蓮座臣等鶴林雲
歸鱗水義絕此生求隔汲引之厚顧何日再
瞻慈悲之尊容故宮寄眼月光殊昔秋之色
荒砌尋聲虫響非前年之聽耳目所觸莫不
催淚凡厥六道親疎四生大小一准在世之
御願併攀證果之良因舊臣奉令旨令修如

併敬白

天曆七年八月七日。別當中納言從三位。

兼行春宮大夫左衛門督藤原朝師尹

敬白

圓融院四十九日。御願文。始號朱雀院。

管相公輔正也

奉造白檀阿彌陀佛像一軀。觀世

音菩薩得大勢至菩薩像各一

體

奉寫金字妙法蓮華經一部八卷。

無量義經。觀普賢經。阿彌陀經

般若心經各一卷。

以前佛經。供養演說八萬四千之相。秋月滿

而高懸。開三顯一之文。春花貫以求點。伏惟

太上法皇。慈悲冥性。佛法刻心。從小齒之日

及大位之年。莫不臣妾感其恩。華夷歸其德。

然猶泡山可厭。忍尋姑山之幽邃。苦海將救。遂入佛海之清虛。誦一乘經。誰護寶珠於頂上。受五部法。新瀉智水於瓶中。去冬以降。聖體不豫。天使相望於路。醫人多。盡其方。豈圖二月十二日中夜。機緣新滅。花界駕催。留而消魂者。皆是緇門之遺弟。仰而戀恩者。寧非丹墀之舊臣。嗚呼。過於熙連河之苦行。一禪定水。靜先於沙羅林之涅槃。三日。應化月。

空法皇平日讚揚之密。經卷之塵。漸積。今上每春臨幸之地。輦路之草。初繁。鶯舌無識。猶奏怨曲於庭樹之曉風。柳眼無情。空添啼粧於池堤之暮雨。視聽之悲。未半。忘景之期。既臻。天官依勅而輸錢帛。舊院有議以營佛經。夫圓融院者。當受圖所草創。類脫履而棲息。爰設齋會。彌增善因。卧雲之後。雖讓一乘佛子之名。昇霞以來。定到無上法主之位。何疑。

鉢羅樹下開菓屑而轉妙輪七寶池中破波旬以登覺路今勤信心之惠業者唯添法身之莊嚴也凡厥一切衆生普遊四種佛土敬白。

正曆二年閏二月二十七日別當大納言

陸奧出羽按察使藤原朝臣

華山院四十九日御願文

江以言

奉圖繪極樂淨土尊一模

奉書寫金字妙法蓮華經一部開

結經阿彌陀經般若心經各一

卷。

右太上法皇去月八日高龍雲慘晏駕靈登

有虞舜帝之德風悲玉山之東阿闍世王之

夢煙暗金河之西聖靈陛下早尋成子之石

永贈王母之玉聖靈遁世之初十九釋尊蓋

乃二十九釋尊唱滅之期八十。聖靈纔是四
十一。哀哉哀哉。奈何奈何。院花春暮亦夙夜
於霸陵之松。洞月曉到空。瞻望於鼎湖之雲。
今當七七之御忌。奉圖寫件佛經。敬以奉供
養矣。仙殿新成。雖恨長生之虛名。佛事廣作
何疑。速證之實語。所生惠業。資御菩提。於戲
此間。吾等縱沉至哀之淚泉。佗界衆生。定飲
大悲之乳海。功德之餘。普及一切。敬白。

寬弘五年三月二十二日
一條院四十九日御願文

江匡衡

奉造金色釋迦牟尼如來像。金色
阿彌陀如來像。金色彌勒菩薩
像。

右先皇爲後世菩提。在生之日

所造

開結二經阿彌陀般若心經等

各卷

右四十九日聖忌所奉寫

以前佛經音趣如此夫佛日雖早藏餘輝明而常在玄風雖遙隔遺韻叩而猶聞伏惟我聖靈陛下七歲即帝位九歲携詩書登政理於文學通百家以重十家蕩妄想於真如捨

七寶以敬三寶凡厥在位二十六年間德化光於古今福惠被於幽顯始自王侯相將至于緇素男女各皆輸誠勵行莫不染風浴恩於是今年五月聖體不預初謝聖劍以逃名臣妾猶期浮沉於仙院之月續剃鬚髮以入道新舊皆議追從於禪門之雲此之二事一不相諧六月二十二日遂以入滅四海皆戀仁恩最深者渭陽嗚咽之曉浪雙林忽唱滅

度至悲者椒庭寡居之秋風計其御寓則過
孝文皇帝理世之年思其昇霞亦同南岳太
師臨終之日方今七七聖忌光陰欲盈佛者
生前之御願以三尊為賓朋經者夢後之精
勤以一乘為輿輦即於平昔之燕寢敬以供
養演說花雨不知天人之所供歟香煙即是
月支之所獻也殿庭之儀不改所欠只一人
慈悲之昔容菩提之飭忽成所加只四衆戀

慕之新淚抑追思往事觸類銷魂花下之春
遊揮神筆以手書御製月前之秋宴吹玉笛
自操雅音草木愁色况於蘭省梨園乎鳥獸
哀聲况於虎園鳳閣乎嗟呼尊儀猶如在子
眼前顧命亦忝留于耳底常恐偏以親舅垂
老而輔佐壯年之君豈圖更引遺孤吞悲而
經營今日之事仰願諸佛知見證明十萬億
之國土何言遙早迎仙蹕於極樂三十一之

寶祚誰論短自象妙相於如來恩德之餘普
及遠近敬白。

寬弘八年八月二日左大臣正一位藤原
朝臣御堂也。

村上天皇爲母后四十九日御願文

後江相公

皇帝諱成明誓首和南三寶境界蓋聞大寶
蓮華貫四時而不凋摩尼珠光照三世而彌

朗乃知八正分源斷疑網於愛海三明告曉
飛覺月於昏衢者也伏惟先太后太慈在情
撫萬姓於一子碩德被物頌十善於四瀛偏
承鍾愛既在朕躬爰移仙居於九重之裏營
孝恩於萬機之先椒房花朝蘭殿雪夜春徃
秋來所視者珍膳之甘苦晨省昏定所問者
玉枕之高卑一夕五起竊所庶幾也閑計寶
筭之盈數獨歎喜懼之交懷銀燭塗沙先朝

之舊賜。非可驚。馬眼鶴綾鳳錦。故園之浮埃。誰
敢留心。唯須迎日月於仙家。以祝王母之齒。
冒春秋於法肆。以表臣子之誠。扇梵風而增
壽命。藥師如來之本願。殊妙降法雨而洗災
患。金光明經之威力。最勝故瑩白銀鑄出。滿
月之容。研黃金寫成貫花之偈。其外奉壽同
金字。金剛壽命經百卷。般若心經一千卷。兼
期春風敬展講席。哀樂如夢。未就是界之壽。

禍福相改。忽赴化方之遊。翡翠簾前。花枝添
戀古之色。珊瑚床下。鏡匣遺深。淚之塵坐。憂
卧憂空。思瑤裙之去日。何朝何夕。再逢翠輦
之歸時。觸物之感。莫不催悲。方今佛經云。空
留何益。今此之所講。趣異誠同。去年初心。只
契延齡之驗。今朝新變。欲開出世之門。揔擊
惠業奉胡山陵。噫。娑婆遺哀。縱眉千行。於眼
下。真如新飭。定現萬字。於曾前。仰願鷲頭雲

齋雞足山開無上世尊高並妙覺之座摩訶
迦葉跪奉付囑之衣然後功德成林普開惠
花於四生之意樹菩提分種將灑甘露於六
趣之身由後慮既悛佛心唯照本志無遂朕
恨云何三世十方共垂證明誓首和南敬白

天曆八年三月二十日

為一品長公主四十九日願文

慶保胤

夫以人中之尊猶現四枯之相天上之樂終
為五衰之悲况於凡身乎况於下界乎大都
苦輪之中不免生死者也。一品長公主今年
五月忽以入滅矣。公主春秋十有五初入內
一咲再顧既是羅山之舊容玄鬢翠蛾莫不
洛川之麗質彼蓬萊洞之花非不芳素意又
期七覺長秋宮之月非不潔宿望偏在三明
未以受恩寵為榮唯以逃俗塵為志嗟吁晨

昏所誦者提婆品。造次所念者彌陀尊。去月十九日請故延曆寺座主大僧正良源爲戒師。終以入道焉。凡此界古今婦人之出家也。或及暮齡爲寡婦。或多愁恙無依怙之人等也。公主者先太上天皇之女。後太上天皇之妃。今上陛下之姊。於天下不亦賤。桃李無衰色。桑榆非斜暉。何其遁世之太疾乎。追思往事。良可化人。不知妙音暫來自界。假爲後宮歟。又

不知觀音欲度隨類爲現化身歟。今當七七忌辰奉治鑄白銀像阿彌陀佛。并觀音勢乃至二菩薩奉書寫黃金字妙法蓮華經一部八卷。開結經阿彌陀轉女成佛經般若心經等各一卷。便就法性寺敬奉供養。公主臨終之間。西面憑几。寸心不亂。十念無休。便是綺窓。瞑目之時。寧非蓮臺結跏之日。定知不經中。有直至西方。公主若住暫舍之花色常樂風吹。

忽令開敷若有未明之月輪餘習雲散永令
圓滿今日善業上則增加新佛瓔珞之末光
下則解脫群生輪迴之苦緣敬白

寬和元年六月十七日

為左大臣息女女御四十九日願文

後江相公

弟子其誓首禮足十方三寶欲迷心緒舌根
結而易亂更防淚川曾波溢而難留方寸所

憶何宜少分伏惟女御贈從四位上藤原朝
臣者弟子最少之兒也養在深窓外人不識
蕙心春淺未及二八之齡蘭質秋深初備三
千之列常念一家之子孫附門戶於其顧滿
園之草木期榮枯於彼恩何圖樂未央哀先
至福漸始禍早成花前辭恩不見掖庭之月
燈下告別長失朝露之光宛轉不開如屏鑪
炭之上迷惑失據似入重霧之中泣而更泣

玉卵共破於煙巢。悲之又悲。瓊苗同枯於芝
畝。去夏哀情毒焰。在窗月而未滅。今冬啼眼寒
冰。承眦而無乾。漢宮入內之夜。傍花輦而成
歡。荒原送終之時。混松風而添哭。綿綿此恨。
生生何忘。追悔前生。造何惡業。更追今世。受
此苦惱。雖歷一劫。不可說盡。今四十九日齋
會。奉圖金剛界成身會。曼荼羅一鋪。奉寫金
字。妙法蓮華經一部八卷。無量義經。普賢經。

轉女成佛經。阿彌陀經。尊勝陀羅尼經。般若
心經各一卷。便於法性寺道場。敬奉供養。以
此勝業。奉訪孤魂。佛家貴信。不貴財。世尊依
誠不依物。昔龍女獻珠。已證三明。於南無垢
之界。今弟子揮涕。欲開九品。於西極樂之地。
今日一念。於是而盡。唯願大悲。導此中志。乃
至三千界之中。與我同哀者。併超生死之流。
令到菩提之岸。稽首和南。敬白。

天曆元年十二月二十日左大臣從二位

左近衛大將源朝臣

為大納言藤原卿息女女御四十九日

願

慶保胤或順

弟子為光前白佛言夫天不為世之貪生而
輟其死命不以人之惡天而長其齡誠是自
然之理有涯之悲也弟子有一息女且取所鍾
愛也素思進燕寢不欲混俗塵去年初促二

八廻之桃李得列八十餘之綺羅彼才色雖
非絕代恩寵亦不愧入情涼之春花日遲成
賜共翫弘徽之秋月夜永不許獨看弟子雖
思溫樹之不語難忍德澤之有餘從其夢結
蘭芬心析蓬矢有身暫退陋巷有禁久在掖
庭之故也當于斯時累日有恙萬方不痊於
是天使相望雲泥之間年命欲滿巾箱之裏
弟子上泣聖明之恩下泣父子之愛去七月

終即世矣。昔李夫人之反魂，尚可勞方士火。長者之出學，竊欲恨如來。哀哉！片時不見，鬱腸宛如千萬秋。痛矣！一夕相離，老淚已且四十餘日。弟子欲訪旅魂，而未由。故圖金人，以為使。將通音信，而無便。兼寫寶偈，以代書。不聞于今。仁王無哀憐，不知又我老身。忘寢食，及于忌辰。奉圖繪法華曼荼羅一摸，奉書寫金字妙法蓮華經一部八卷，開結阿彌陀般。

若心經等各一卷，便於法性寺敬以奉供養。所生功德消滅黑業，努力莫為人中之雲雨。自愛不受天上之快樂，又欲其奈此五障。何欲其奈彼五衰？何弟子早引幽靈，偏在極樂彌陀尊之設蓮臺。望上品，又仰下品矣。法華經之說佛果，令我女不異龍女焉。彼即身也。是後身也。何疑哉？何疑哉？人皆有才，無才各言其子。佛願有罪無罪，定救我兒。乃至六趣。

四生莫不引接敬白。

寬和元年五月二日。弟子正二位行大納

言兼春宮大夫藤原朝臣為光。

為謙德公修報恩善願文。

管三品

弟子某伊尹歸命誓首前白。佛言。恩有四種。父之慈母之悲。為先報。是一心。雖歷劫。雖致生何忘。弟子自幼家庭。生而在世者。是誰惠。

卷

之所致。垂老猶愈。仕而用朝者。亦誰愛之。暗通平素。不能採蘭以翹誠。愚丹或欲刻木以拜貌。五內無靜日。四運有盡期。欲報之心。成歲而已。方今齡近。父服不可恃。餘年以依違。家既槐門。何復待厚祿。而猶預嗟吁。人命不定。吾生難知。彼金谷醉花之地。花每春勻。而生不歸。南樓翫月之人。月與秋期。而身何去。况寵深者。思又深。榮甚者。畏又甚。弟子重寄。

本朝大納言藤原朝臣

過器渥澤溢身今若點而止其奈後悔何是以表信丹青奉圖繪胎藏金剛兩部曼荼羅各一鋪研精黃金奉書寫妙法蓮華經二十部各八卷無量義經觀普賢經般若心經各二卷爰發菩薩心疑道場觀排月窓以仰天人師於其際卷風悞以啣龍象聚於其前起從仲呂下旬第九之朝至于五月四日亭午之後五日十座供養講演夫此經者十方淨土

中唯有之教聞之信之者無一不成佛斯乃所以能仁秘一音而待時普賢策六牙而護法也知恩追孝之輩誰不走使之供養者乎即謂法輪以恒轉為宗善根非隨緣不感仍須明歲已後移此講會求修於天台山上楞嚴院內先公相府建立精舍矣彼山者境離囂塵洞留教迹幽儀定不忘峴亭之月法音亦可傳耆嶠之風如是之故有意移修如來

本朝文粹卷十四
陸埴知見證明。于時芳菲候過清和景闌林
花纔殘盈袖而散。區香已在薰印而燒。然猶
若比弟子之合掌。彼一落不再開。若比弟子
之至心。此遠薰可普供。所生功德無量無邊。
奉資先公相府之後世。奉導太后夫人之往
生。皇陛蒞位。便是月輪之基。四德舊儀。變作
萬行之備。磬聲未斷。應響添因。幡影乍翻。逐
電增果。衆生法界利益自然。弟子歸命。
首稽

天祿二年四月二十九日

重明親王爲家室四十九日願文

後江相公

弟子重明替首和南白佛言。生者必滅。釋尊
未免梅檀之煙。樂盡哀來。天人猶逢五衰之
日。雖知苦海之常理。還迷淚川之難留。伏惟
亡室藤原氏柔和稟性。婉順在心。雖生鍾鼎
之門。未見驕慢之色。一事一言。于朝于暮。主

我巾櫛積以星霜而上月中旬寢膳垂列夜
漏亦盡遂謝有涯之生曉雞一聲長臨無常
之別一旦背世之憂已殘心地之焰百年借
老之契不異夢路之花自彼白雞驚睡九原
之駕不歸青鳥催悲三泉之肩長鎖獨作燈
下伴影之身猶添窓中戀古之恨鴛鴦衾空
向舊枕而濕袂鷺雀巢覆撫遺卵而摧肝耳
目所觸何事不悲方今飲恨之旧漸積食香

之期欲盈非假大日遍照之光何成黑夜破
暗之計仍奉繪八葉九尊曼荼羅一鋪奉書
寫金字妙法蓮華經一部便於法性寺道場
敬開講肆供佛之誠唯志是盡香則求難陀
此岸之煙花則擎樹提後園之萼以此惠業
訪彼幽靈仰願功德池上結妙果於開示之
蓮安樂界中攀覺花於彌陀之樹今拂九尊
方座之場新加十號圓明之位乃至阿鼻聞

此餘香敬白

天慶八年二月五日。弟子中務卿親王敬
白。

為亡息澄明四十九日願文

後江相公

弟子朝綱敬白。悲之。又悲。莫悲於老後。子恨
而更恨。莫恨於少先親。雖知老少之不定。猶
迷先後之相違。伏惟亡息兵部郎中澄明。夏

季受病。秋初背世。今當七七忌。令修此惠業。
常念西日影斜。付後事於吾子。豈圖北芒駕
促。營終制於老翁。泗水遺風。待七年而餘慶。
九泉別淚。送千秋而無窮。方今芸閣塵深。竹
簡幾千卷。苔壠雲靜。松風只一聲。一園中之
花月。相傳失主。七月半之孟蘭。所望在誰。抑
亡者早。在未病之前。深談出家之趣。為思門
業。泣而不許。湯藥之中。此志彌切。登覺之路。

欲赴脫去春官及第之袍遊岱之魂更還乞
求夏鵬高僧之戒入道之後遂以掩眼為禦
秋山之寒嵐追贈福田之法衣又卧病之間
為家冥助有奉圖藥師如來之願筆墨初點
丹青未畢今加繪畫聊以瀆供養除病延命
之願已以不諧滅罪登覺之謀豈其不熟無
於此誰仰如來仍奉圖某佛奉寫某經便
於仙遊道場敬展講筵功德多少抱道幽靈

光陰隔歲憂喜同門去冬之歡情幾誇家風
於一枝之桂今秋之悲淚欲開覺葉於千葉
之蓮嗟吁幽靈知我此志誓首和南敬白
天曆四年月日左中辨大江朝綱
為右近中將源宣方四十九日願文
善具禮而壽其壽也
女弟子敬白妾五内如割一心已迷仰願大
悲照我幽憤所天故右親衛中即將器期青

雲名顯紫闥居武官而威風遠扇嗜文道而
詞露自鮮夙夜在公非正不蹈寢寐念佛唯
善是勸而寢病無程即世太速天之與善從
茲難信神之禍謙又亦如何妾追憶乎昔莫
不銷魂窓中堆詩書舒卷罷而塵空積臺上
留絲竹音曲盡而風獨悲故釵在傍撫秋水
而流淚虛弓倚壁向曉月而斷腸爰四十九
日息景已至松蘿之契於今相違菩提之飾

隨分欲訪奉圖繪云云廼於平生之舊寢聊開
供講之梵筵簾帷不改幡蓋惟新合掌為花
善心為香嗟吁北芒新墳已見七尺之花樹
西方極樂定登九品之蓮臺既云香緣何隔
阿鼻敬白

長德四年十月十二日

為覺運僧都四十九日願文

江以言

釋迦牟尼佛弟子某等歸命頂禮白佛言夫
菩提道樹之月影遂隱沙羅之愁雲尼連禪
河之水音空咽跋提之淚浪誠乃四恩之不
同雖知凡聖之相隔一心之難忍猶迷哀慟
之自然者也大師前大僧都法眼和尚位孟
冬上旬之初日兮忽驚六風之變仲冬上旬
之初日兮永告九泉之別弟子涕淚流而無
從迷倒雲漢於眼下心肝屠而不靜如吞風

胡於會中堂上有齡傾之老母泣後事於松
門之煙室中多年少之遺弟失前途於荊谿
之雲凡厥視聽所觸言辭無及者乎大師織
忍辱以為辟衣之領袖構止觀以為桑門之
樞鍵四海之中一山之上學顯教者往之往
之者有實歸之度求密法者至之至之者作
虛心之禮善男善女或尊或卑受其法施植
其良因者大半於天下矣是以鶴板頻馳延

講席於流辰之南面。鳳御屢降。加崇階於龍象之上首。而今佛道記里之車。忽摧向何方。而為指南。法軍降魔之兵長。去遣誰人。而令背北。昔當正法多智行人之間。猶有離若斯人之歎。今臨末法少智行人之時。爭堪失若斯人之悲。於是四十九日。自以馳來奉造阿彌陀佛像一體。觀音勢至等菩薩像各一體。是則尊靈存日所奉造也。奉書妙法蓮華經

一部。開結阿彌陀般若心經等各一卷。是則弟子所奉書也。供佛施僧之資。貯專任東閣之芳意。花香梵唄之莊嚴。亦在南嶽之光儀。仰願三寶界會。悉知悉見。大師尊靈。徃生極樂。此界得益之緣。早斷定歸本覺之月。他方利生之化。相催豈留中有之風。乃至有頂阿鼻鐵圍沙界。普及功德。併弘利益。弟子懷壽敬白。

寬弘四年十二月十日供奉十禪師懷壽

諷誦文

宇多院為河原左相府沒後修諷誦文

樂此界時在昌于時秀才

請諷誦事寶衆僧御布施云

右奉仰云河原院者故左大臣源朝臣舊宅

也林泉下隣喧囂隔境擇地而構雖在東都之東入門以居如遁北山之北是以年來尋

風煙之幽趣為禪定之閑棲時代已不同於昔年舉動何有煩於舊主而去月二十五日大臣亡靈忽託官人申云我在世之間殺生為事依其業報墮於惡趣一日之中三度受苦劔林置身鐵杵碎骨楚毒至痛不可具言唯其答掠之餘拷案之際因昔日之愛執時時來息此院揔為侍臣不舉惡眼况於寶體豈有邪心乎然而重罪之身暴戾在性雖無

意於害物猶有凶於向人冥吏搜求不得久
駐我子孫皆亡汲引誰恃適所遺者非可相
救只悲歎於湯鑊之中憂惱於枷鎖之下耳
勅奏云今為卿修善令脫其苦修如何善脫
此苦乎報答云罪根至深妙切難拔縱修無
數之善不知可脫之期但於七箇寺各修諷
誦遙聽拔苦之慈音暫覺無明之毒睡自餘
雖修萬善非我之所得也於是觀其如此悲

感自然朕昔為握符之尊卿亦為和羹之佐
自分段無間生死遂隔雖忘藥石之前言未
改魚水之舊契常思拔濟得道早攀覺樹之
花豈圓出離無媒末溺苦海之浪合體之義
既重於衰時滅罪之謀須迴於今日仍占七
箇之精舍扣九乳之梵鐘今之所企是其一
也伏乞一音任風忽息鵝鴨之宿詵三明照月
遂為瓔珞之後身者官臣奉仰所修如件

延長四年七月四日。主典代散位秦有時
清慎公奉為村上天皇修諷誦文

管三品

敬白請諷誦事三寶衆僧御布施

螺鈿箏琴一張 已上各納木
蘭地綺袋

橫笛一管 已上各納
唐錦袋

金銀蒔繪匣一合 花足机
并下机

信濃布二百端

右六七聖息。光陰正盈。欲陳心真。聲被波瀾。
唯願諸佛。愍念諦聽。昔者延長。明主賜示。彈箏
之趣。弟子承彼德音。傳奏先皇。曲更歸雲霄。
之上。器猶留塵巷之間。又有龍笛。蓋前代
之名物也。彼竹與絲。擬獻天子。添花加義。暗
經日辰。自玉洞之駕晏。出瑤池之蹕長。遷欲
供於玄宮。顧命疑在。霸陵之風。將安於黃閣。
素意誠是。咸池之浪。豈敢為人。寰之翫。須以

作佛界之資。且夫管可逆吹。故異方之聲無厭。絃不獨撫。故流俗之調相俱。同混蜀越之輕財。揔捨梵唄之假砌。雖前日之懇念。與今日已違。而奉君之深誠。以奉佛欲建。狀則諷誦功德。奉飾游魂。移瑩鏡舊德之光。圓覺月新果之彩。衆生法界利益無邊。弟子昔爲憶報國之殘日。愴景暮而齡傾。弟子今奉戀早世之聖朝。慙命薄而祚長。只泣廻增寶壽之

至心以告。發成正覺之弘願而已。敬白
康保四年七月七日。從一位行左大臣藤原朝臣實賴敬白。

在原氏爲亡息負外納言四十九日。諷修

敬白請諷誦事。三寶衆僧御布施法服一具。

右負外納言受病之時。變風儀而脫俗累。臨

終之日落雲鬢而歸空王仍擊此方袍之具
捨彼圓照之庭妾少後所夫獨流血淚之眼
泉老哭愛子誰抽紫筭於雪林人皆以短命
為歎我獨以長壽為憂若有過死豈逢此悲
燈前裁縫之昔曳龍尾之露淚底染出之今
任鷲頭之風魂而有靈受此哀贈所請如件
敬白
天慶六年四月二十二日女弟子在原氏

敬白
為石清水檢校四十九日修諷誦文

慶保胤

敬白請諷誦事三寶眾僧御布施

右石清水檢校與保胤有故舊問澗嵐訪峯
霞且數十年恩如父德如師不終天年忽沒
焉彼不幸也吾又不幸也今當四十九日明
鐘一兩聲是則萬上答恩也夫現世之酬報

者師不甘愚又難堪後世之引攝亡者不嫌
弟子所欲也。三寶在上最望成佛敬白。

年月日

弟子慶保胤

左相府為寂心上人修四十九日諷誦文

江匡衡

敬白請諷誦事。三寶眾僧御布施。

信濃布百端

右故寂心上人者於弟子授戒之師也上人

八滅之後七七之忌今朝已盈三歸五戒薰
戒香而答恩一字千金思金容而謝德昔草
賢之事大江公敬禮之跡善老今弟子之訪
寂心上人戀慕之淚蓮開仍為饒菩提所請
如件敬白。

長保四年十二月九日白衣弟子左大臣

藤原朝臣敬白。

同請文

請 覽親物事

江匡衡

右御諷誦為訪故寂心上人菩提者所請如
件昔隋煬帝之報智者千僧贖一今左丞相
之訪寂公曝布足百思古見今同音隨喜仍
注卷遍謹辭之

年月日

僧寂照

新刊本朝文粹卷之十四

尾大

新刊本朝文粹跋

昔者文章之隆盛也代不數人人不
數篇是故浩瀚汪洋難乎見其繁復
各有一家之長不兼諸體此所以不
能不編文粹歟不翅

本朝然梁輯文選唐撰文粹宋之文
鑒元之文類皆板行于世遠傳外國

獨本朝文粹無刻本。偶家藏者深祕
焉。雖無一鷓鴣之癡。殆幾乎絕滅。好古
者之憂莫大焉。余亦性嗜文章。嘗有
志於新鐫。介然曾中。而尚未倦宦遊。
東西奔馳。是歲亦客居武江。一日。浴
陽書生贈余書曰。僕之舊知有野氏
知求者。鳩劖刷氏。刊本朝文粹七閱
月而竣。願君一言跋之。嗟余何言。茲
刻一成。而余之志亨矣。好古者之憂
解矣。嗟余何言。若夫不獲已。試揭文
之。又粹則王善請行之。意見封事。及
奉管右相第一書乎。或足徵於政教。
或能明於進退。所謂質諸鬼神而無
疑。百世以俟聖人而不惑者。斯二篇

不為徒文。讀者宜盡心焉。乃書此以
答彼。

寬永己巳夏六月平安後學那波

道園書于武江之僑居

右本朝文粹八冊以林家之本令校合畢

于時享保十七壬子年閏五月三日

